



MUINNTIREAS DO SGRÌOBHAICHE GÀIDHLIG ÒG

Co-obrachadh eadar

Pàirc na Camais (Cove Park) agus Comhairle nan Leabhraichean

Cinn-latha a' mhuinntireis: Diluain 27 Dàmhair – Diluain 10 Samhain 2025

Ceann-latha airson thagraidhean: Dihaoine 25 Iuchar (5f BST)



FIOSRACHADH PRÒGRAIM IS STIÙIREADH AIR IARRTASAN

Geàrr-chunntas air a' chothrom

Is e muinntireas làn-mhaoinichte do sgrìobhadairean Gàidhlig eadar 18 agus 30 a th' anns a' Mhuinntireas do Sgrìobhaiche Gàidhlig Òg, a thathas a' tabhann airson an treasamh turas. Bidh am muinntireas dà-sheachdain seo a' tachairt eadar Diluain 27 Dàmhair agus Diluain 10 Samhain 2025, agus gheibh an sgrìobhadair air mhuinntireas tuarastal agus cuibhreann siubhail is rannsachaidh. Is e an ceann-latha airson thagraidhean Dihaoine 25 Iuchar ro 5f BST.

Facal-toisich

'S e àite-còmhnaidh do luchd-ealain eadar-nàiseanta a th' ann am Park na Camais (Cove Park), suidhichte air làrach 50-acaire air an dùthaich air costa an iar na h-Alba. Tha ar prògram de chothroman muinntireis, coimiseanan agus pròiseactan co-bhanntachd a' freagairt air agus a' brosnachadh farsaingeachd de modhan ealain san latha an-diugh. Bidh sinn a' cumail taic ri luchd-ealain, luchd rannsachaidh agus daoine cruthachail eile airson obair ùr, amasach, ùr-ghnathach a leasachadh airson luchd-èisteachd agus chom-pàirtichean air feadh na h-Alba agus thall thairis.

Chan eil dad eile coltach ri cothroman Pàirc na Camais san Rìoghachd Aonaichte. Bho thòisich sinn ann an 2000, tha ar prògram air a bhith ann airson luchd-ealain ionadail, nàiseanta agus eadar-nàiseanta a bhith ag obair leotha fhèin no ann an co-bhanntachd ann an cruthan-ealain diofraichte agus aig gach ìre de na dreuchdan aca. Is ann aig Pàirc na Camais a-mhàin a bhios suas gu 14 daoine aig aon àm ag obair ann am farsaingeachd de raointean-ealain tron bhliadhna. Tha seo a' ciallachadh gun urrainn dhuinn cothroman air leth a thabhann airson obair eadar-chuspaireil agus conaltradh eadar chultaran.



A' coimhead thairis air Loch Long air Ros Neimhidh, b' àbhaist do làrach Pàirc na Camais a bhith na pàirc ghlèidhteachais. Air pàirt den làraich tha coilltean fo rian, linneachan agus achaidhean airson chaorach agus crodh Gàidhealach. Am measg nan goireasan tha naoi bhogsaichean-bathair a chaidh ath-chuairteachadh agus a sgeadachadh mar àiteachan-fuirich agus stiùidiothan, agus dà thogalach ann am fiodh darach a tha foirfe airson dhaoine a tha ag obair mar theaghlaichean no cho-obraichean. Tha an Togalach Jacobs, a chaidh fhosgladh ann an 2016, na ionad coimhearsnachd a chaidh a thogail a dh'aona-ghnothach le goireasan airson obair, thachartasan poblach, leabharlann, cidsin agus biadhlann fosgailte, agus oifisean, le dà ionad a bharrachd airson àite-fuirich agus stiùidiothan.

Faic <http://www.covepark.org/> airson barrachd fiosrachaidh mun phrògram againn, agus dealbhan de làrach agus goireasan Pàirc na Camais. Tha an duilleag Ceistean Cumanta againn a' freagairt cheistean coitcheann mu mhuinntireasan Pàirc na Camais agus ruigsinneachd.



Is e Comhairle nan Leabhraichean a' phrìomh bhuidheann ann an Alba a tha a' toirt taic do sgrìobhadairean agus foillsichearan Gàidhlig tro phrògram thabhartasan agus cothroman leasachaidh do sgrìobhadairean. Stèidhichte ann an 1968, tha a' bhuidheann a-nis na companaidh earranta agus na carthannas clàraichte agus tha i a' faighinn maoineachadh cunbhalach bho Alba Chruthachail agus Bòrd na Gàidhlig. Bhon oifis aice ann an Glaschu, tha Comhairle nan Leabhraichean a' ruith bùth-leabhraichean a bhios a' reic leabhraichean Gàidhlig do luchd-ceannaich air feadh an t-saoghail, a' cur air dòigh tachartasan ùghdaran agus seiseanan leughaidh cloinne, agus ag obair ann an com-pàirteachas le buidhnean eile air raoin de dh'iomairtean gus daoine a bhrosnachadh gus tlachd fhaighinn à litreachas na Gàidhlig.

Faic <https://www.gaelicbooks.org/> airson barrachd fiosrachaidh.

Muinntireas do Sgrìobhaiche Gàidhlig Òg

Tha am muinntireas seo air a mhaoineachadh le Comhairle nan Leabhraichean agus air a chruthachadh ann an co-bhann le Pàirc na Camais.

Prìomh phuingean

- Bidh am muinntireas aig Pàirc na Camais a' tachairt eadar Diluain 27 Dàmhair agus Diluain 10 Samhain 2025.
- Gheibh an Sgrìobhaiche tuarastal muinntireis iomlan de £1,500 (£750 gach seachdain), a bharrachd air cuibhreann siubhail suas ri £300 agus cuibhreann rannsachaidh suas ri £200.
- Bidh am muinntireas a' gabhail a-steach tachartas aig Pàirc na Camais air an dàrna seachdain, agus aontachaidh an Sgrìobhaiche, Pàirc na Camais agus Comhairle nan Leabhraichean cruth agus farsaingeachd an tachartais seo.
- Tha am muinntireas air a dhealbhadh gus taic a chumail ri cruthachadh obair ùr, rannsachadh agus tionnsgalachd.
- Cumaidh sgioba Pàirc na Camais tai ri rannsachadh agus riatanasan prataigeach ro agus rè a' mhuinntireis.

Na tha Pàirc na Camais a' toirt seachad

- Àite-fuirich/àite-obrach phrìobhaideach fa leth air an làraich aig Pàirc na Camais.
- Àite-obrach agus àite-coinneachaidh taobh a-staigh ionad coitcheann Togalach Jacobs, anns a bheil leabharlann, seòmar mòr ruith-thairis le làr fiodha, cidsin agus biadhlann fosgailte, agus goireasan nigheadaireachd.
- Cothrom gun crìoch air an làraich 50-acaire.

Cò dh'fhaodas tagradh a dhèanamh, mar a nithear tagradh, pròiseas geàrr-liosta agus taghaidh

Airson a bhith airidh air roghainn, feumaidh tu a bhith nad sgrìobhaiche Gàidhlig eadar 18 agus 30 bliadhna a dh'aois a tha stèidhichte ann an Alba.

Faodar tagraidhean a chur a-steach tron [Fhoirm Iarrtais air-loidhne](#).

Feumaidh na leanas a bhith san Fhoirm Iarrtais:

- D' ainm agus fios conaltraidh.
- Aithris sa Ghàidhlig (suas ri 500 facal) a' toirt cunntas goirid air an obair anns a bheil thu an sàs an-dràsta agus carson a bhiodh ùidh agad anns a' chothrom mhuinntireis seo.
- An Cunntas-beatha agad, a' gabhail a-steach ainmean agus fios conaltraidh aig dithis luchd-teisteanais proifeiseanta – m.e. bho thidsear, neach-oide no neach-fastaidh (cha chuir sinn fios dhan luchd-teisteanais agad ach a-mhàin ma thèid an tagradh agad air a' gheàrr-liosta airson agallamh).
- Liosta de dh'eisimpleirean de dh'obair a tha thu a' toirt dhuinn.

Luchdaich suas na sgrìobhainnean no an stuth-taic a leanas anns an Fhoirm Iarrtais:

- Rosg, 500 facal no nas lugha (gun a bhith nas fhaide na 2 dhuilleig).
- Bàrdachd, suas ri 4 dàin (gun a bhith nas fhaide na 4 duilleagan).
- Faodaidh tu ros g no dàin sa Bheurla a chur a-steach mar eisimpleir den obair agad, ach dèan cinnteach gu bheil co-dhiù 50% den stuth-taic agad sgrìobhte sa Ghàidhlig.

Gabhaidh sinn ri tagraidhean ann an cruth claisneachd no bhidio nam b' fheàrr leat sin seach iarrtas sgrìobhte. Cuir fios thugainn nam biodh e na chuideachadh dhut nan dèanamaid atharrachaidhean reusanta air a' phròiseas tagraidh. Ma tha thu airson bruidhinn rinn mu dheidhinn seo, no ma tha taic a dhìth ort airson iarrtas a dhèanamh, cuir fios gu dìreach gu Àrd-riochdaire Pàirc na Camais, Alex Marrs [\[insert link\]](#).

Bidh cuireadh do dh'agallamh stèidhichte air na slatan-tomhais a leanas:

- Càileachd do bheachdan agus do chuid obrach.
- Carson a tha feum agad air ùine fhada de rannsachadh is leasachadh, agus na h-adhbharan a th' agad airson cur a-steach airson a' phrògram seo.
- An ùidh a th' agad ann a bhith ag obair taobh a-staigh coimhearsnachd de luchd-ealain.

Ceann-latha airson tagraidhean: Dihaoine 25 Iuchar 2025 (5f BST)

Leigidh sinn fios gun d' fhuair sinn an tagradh agad cho luath 's a gheibhear e. Bidh ceangal san fhios-fhreagairt againn ris an fhoirm sgrùdaidh Co-ionannachd, Iomadachd is In-ghabhail gun urra againn, agus bhiomaid nad chomain nan lìonadh tu seo. Mura faigh thu am fios-fhreagairt seo, cuir fios gu dìreach gu Pàirc na Camais gus dearbhadh gun d' fhuair sinn an tagradh agad.

Nithear geàrr-liosta de na h-iarrtasan airson agallamh le Pàirc na Camais agus Comhairle nan Leabhraichean còmhla. Thèid fios a chur dhan a h-uile tagraiche an deach an taghadh airson geàrr-liosta airson agallamh ro Dihaoine 8 Lùnastal 2025. Thèid agallamhan a chumail tro Zoom san t-seachdain a' tòiseachadh Diluain 11 Lùnastal 2025. Air a' phannal agallaimh bidh buill de sgiobaidhean Pàirc na Camais agus Comhairle nan Leabhraichean.

Co-ionannachd, Iomadachd & In-ghabhail

Tha sinn ag iarraidh gum bi ar cothroman muinntireis, prògraman agus goireasan fosgailte don a h-uile duine agus a' cur fàilte orra. Tha sinn daonnan a' tomhas nam modhan-obrach againn agus ag amas air co-ionannachd agus riochdachadh nas fheàrr aig gach ìre den bhuidhinn againn agus thairis air ar prògraman air fad.

Tha Pàirc na Camais ag amas air àrainneachd shàbhailte bhrosnachail a thabhann don a h-uile duine, agus air cur às do leth-bhreith stèidhichte air aois, ciarram, fèin-aithne gnè, inbhe pòsaidh no com-pàirteachais shìobhalta, inbhe leatromais no pàrantachd, cinneadh, a' gabhail a-steach dath craiceann, nàiseantachd, tùs cinnidh no nàisein, cràbhachd no creideamh, gnè, no taobhachd-feise. A bharrachd air seo, bidh sinn ag amas air cur às do leth-bhreith stèidhichte air blas-cainnt, eachdraidh foghlaim, taisbeanadh gnè, inneach no stoidhle fuilte, comharran agus/no tatùthan co-cheangailte ri gnàthasan ro-cholòiniach, iomadachd-inntinn, slàinte bhodhaig agus inntinn, meud, agus inbhe no eachdraidh socio-eaconamach.

Mar a bhios cainnt, briathran agus abairtean ag atharrachadh, tha e mar rùn aig Pàirc na Camais a bhith a' dèanamh lèirmheas air an aithris seo gu cunbhalach – agus cho tric 's a bhios iomchaidh – còmhla ri ar coimhearsnachdan ionadail, nàiseanta agus eadar-nàiseanta.

Dàta Pearsanta

Bi mothachail gun cùm sinn tagraidhean gu h-eileagtronaigeach fad bliadhna. Cha tèid an dàta a tha an cois an iarrais agad a chleachdadh airson adhbhar sam bith eile ach a-mhàin geàrr-liostadh, ruith agus tomhas air a' phrògram. Cha toir sinn fiosrachadh mud dheidhinn do phartaidh sam bith eile gun chead bhuat.

B' fheàrr leinn gun a bhith a' faighinn iarritasan tron phost. Ach ma tha thu airson stuthan a bharrachd a chur thugainn an cois an iarrais gad, m.e. catalogan, cuir iad don seòladh gu h-ìosal. Ma tha thu ag iarraidh gun till sinn na stuthan seo thugad, cuir thugainn cèis le postachd pàighte agus do sheòladh fhèin air.

Muinntireas do Sgrìobhaiche Gàidhlig Òg 2025

Pàirc na Camais, Cnoc Pheutain, Camas, Earra-ghàidheail agus Bòid, Alba, G84 0PE

Airson barrachd fiosrachaidh cuir fios gu:

Alex Marrs, Àrd-riochdaire – Muinntireasan

01436 850500

alex@covepark.org

www.covepark.org